

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Dampa bial By election a chuh turin MNF party official candidate Dr R Lalthangliana leh INC party official candidate Pu John Rotluangliana ten vawiin khan nomination an file.
- 2. Mizoram State Legal Services Authority leh Tuichang Group YMA tangkawp bultumin vawiin khan Rabung Community Hall-ah Legal Awareness neih a ni.
- 3. Mizo Diaspora Cell, Chief Minister Office chuan Singapore-a hnathawka awm Mizote pawisa tihchingpensak thu bawhzui mek a ni a ti.
- 4. I&PR Minister Pu B.Lalchhanzova hoin Kolkata Mizoram House, Salt Lake-ah UNDP hnuaia Green Climate Fund Mizoramin a hman tangkai ve theih dan tur chungchang sawiho a ni.

<><><>

DAMPA NOMINATION

Dampa bial By election a chuh turin MNF party official candidate Dr R Lalthangliana leh INC party official candidate Pu John Rotluangliana ten Mamit ah Dampa Returning Officer Pu Malsawmzuala hnenah vawiin khan hming an pe lut.

Dampa bial by election MNF party official candidate Dr. R Lalthangliana chuan Akashvani Corr zawhna chhangin tun by election ah hian a tlin ngei a inbeisei thu leh a tling a nih chuan bialtu MLA hmasa hmachhawp tawhsa la tih puitlin loh te tih puitlin a tum thu a sawi a. Dampa bial chu aspirational district chhunga mi a nih anga thawh tur tam tak a awm thu sawiin a khaw neitute nen inrawnna zau zawk nei a hmalak zel a nih dawn thu a sawi a ni.

Byte of Dr. R. Lalthangliana

‘INC party official candidate Pu John Rotluangliana pawhin a tlin ngei a inrin thu a sawi a. Pathian leh mipuite khawngaihna zara a tling anih chuah an kawng chhe lutuk chu hna hmasaa a neih tur thu a sawi.

Byte of John Rotluangliana

Tun dinhmunah Dampa bial by election chuh tur hian mi 4 - BJP party official candidate Pu Lalhmingthanga, INC party official candidate Pu John Rotluangliana, MNF party official candidate Dr. R. Lalthangliana leh ZPM party official candidate Pu Vanlalsailova ten hming an pe tawh a. Election commission of India duan lawk dan chuan hming thehluh theih hun hi tun thla ni 21 chawhnu 3 thleng a ni a. A tuk ni 22 chhun dar 11 ah candidate te enfiahna/scrutiny neih a ni ang a. Ni 24 thleng inhnudawhna hun hawn a ni ang.

<><><>

MNF

MNF Legal Board Chairman Pu C. Lalramzauva chuan ZPM sorkar hnuaiah chuan ram leh hnam himna aiin sum hmuh theihna tur a pawimawh zawk tih a sawi.

Vawiina Aizawl Press Club-a tun thla ni 29 a Mizoram pum huapa Total Bandh huaihawt an tum chhan chanchinbumite hmaa a sawifiahnaah Pu C. Lalramzauva chuan he thu hi a sawi a. FCAA, 2023 chu Union Parliament in a pass hnua hman theih turin Gazette of India-ah kum 2023 khan tih chhuah a ti a. Hemi chungchang hian khatihlaia MNF sorkar chuan ram mipuite himna leh that tlanna tur a ni lo tih hriain, August Ni 21 ah Mizoram State Legislative Assembly-ah Official Resolution hmangin a lo hnawl tawh a ti. ZPM sorkar a lo din hnua ngaihtuahna dang neiin, kumin August ni 27 khan Official Resolution dang a lo siam ve leh ta tih a sawi a. Forest Conservation (Amendment) Act, 2023 chu hman a nih chuan kawng tam takah hmasawnna rang zawk neih beiseiin Mizoram Legislative Assembly chuan Mizorama hman turin a lo pawm ta tih a sawi a.

Hetianga ZPM sorkarin Official Resolution siama FCAA, 2023 a lo pawm tak chu MNF Party General Hqrs. chuan nasa taka dodalin, thiah leh a nih ngei theih nan Assembly Speaker hnenah ngenna an lo thehlut tawh tih a sawi a. Zoram mipuite leh ram leh hnam tana paw khawihna namen lo thlen thei FCAA, 2023 chu a nih ang ang a hman a nih theih nana ZPM sorkarin Official Resolution a lo siam, ram mipui pungkhawm leh Party hrang hrang te pawhin hnuk let leh tura an ngenna bengkhawn lova tan an la khawh luih tlat avangin MNF Party Gen. Hqrs. Executive Committee Meeting tun thla ni 7-a neihah Mizoram Pum-huap Total Bandh chu hreh tak chungin huaihawt a lo rel ta tih a sawi .

<><><>

LEGAL AWARENESS

Mizoram State Legal Services Authority leh Tuichang Group YMA tangkawp bultumin vawiin khan Rabung Community Hall-ah Legal Awareness neih a ni a, vawiin Legal Awareness hi Tuichang Group YMA in Group Conference a an thu rel bawhzui a neih a ni.

He hunah hian mipui kalkhawmte hnenah Dan leh hrai chungchang zirtirna neih a ni a. Mizo inneih, inthen khan ro khawm chungchang dan, 'The Mizo marriage, divorce and heritage of property Act 2014' in zirtirna neih a nih bakah naupang humhimna 'Protection of children from sexual offence 2012' chungchang zirhona neih a ni,

Tuichang Group YMA ah hian Branch hrang hrang pasarih an awm a, chungte chu Rabung vengchhak Br. Rabung Vengthlang Br. Khualen Br. Aiduzawl Br. Pamchung Br. Tualpuia Br. Leh Ngaizawl Br. te an awm a, Tualpui Br. Tih loh Br. Hrang hrang atangin kal tur zat bituk an kal kim thei a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

MIZO DISPORA CELL

Mizo Diaspora Cell, Chief Minister Office (CMO) chuan an thu dawn bawhzuiin Singapore-a hnathawka awm Mizote pawisa tihchingpensak thu hlaa hma la turin CID Special Branch te a hriattir.

Hemi chungchangah hian hmeichhe pakhat, Guwahati atanga Lengpui Airport-a rawn tum chu Thawhtanni kalta khan manin, thu zawhfiah atan hren zui a ni tih CMO chuan an sawi a. He hmeichhia hi Singapore-a hnathawk mek Mizo thahnem takten an pawisa Mizorama an chhungte thawnsak tura an rawih, an sum leh paite tihchingpensak zui leh ta si nia puh a ni a. Hnathawktu tam zawkte hian dan ang taka ram danga pawisa thawnchhuah dan an hre bel lo a, hei vang hian thawn man tlawm zawka thawnsak thei anga a insawi bakah intiamkamna thlenga a neih ngam avangin mi tam takin a kutah an pawisa an dah ta tih CMO chuan an sawi a. An sum dah belhkhawm hi cheng nuaih za thum vel nia hriat a ni.

Thawhlejni kalta khan bum tuarte hian, Mizo Diaspora Cell kaihhruiin, Aizawl Police Station-ah FIR an thehlut a. He case hian thubuai ril zawk, ram chhunga dan phal loh a pawisa thleng kualna emaw ramri kana dan phal loh bungraw lakluh leh chet velna thlenga nghawng a neih leh neih loh chhui nghal a ni. He thil thleng hian, ram pawna hnathawka chhuakten an chhungte pawisa an thawnna lama fimkhur a tulzia a ti lang tih sawiin CMO chuan dan ang taka thawn ngei chu a him ber a, dan lo va thawn theihnate chu tlawm zawk leh remchang zawk angin lang mah se a him lo tih a tifiyah tih an sawi a. Sorkar chuan dan ang taka pawisa thawnnaah chauh an thawhchhuah pawisate chu thawn zel se tia an chah thu an sawi a ni.

Mizo Diaspora Cell chuan, a din chhan ang ngeiin India ram chung leh ram pawna cheng Mizote hamthatna a bei zel dawn tih sawiin harsatna tawktute mamawh dan a zirin a kaihhnawih department-te phungbawma sawmin, dan angin hma a laksak zel dawn tih CMO chuan an sawi bawk a ni.

<><><>

LAMKA MZP

MZP President Dr. C. Lalremruata chuan buaina hrang hrang Zofate'n an tawh thin chhan chu inlungual loh vang leh thu khat vuaa awm loh thin vang te a ni a ti.

Vawiina MZP Headquarters Manipur in Annual Conference Vawi 70-na Lamka Branch YMA Hall-a buatsaih a hmanpuinaah he thu hi MZP president chuan a sawi a. Dr. C. lalremruata chuan Zohnahthlak unaute chu inhmangaiha zai khata luan ho leh a pawimawh a ti a. He thu hi an hriat tam tawh tak, Mizoram atanga kal

apiangin an sawi, Manipur atanga Mizorama Zofate an kal apianga an sawi thin a nih thu sawiin tun thlenga a hlawhtlinna hmel hmuh tur a la awm loh chhan chu tumah an inzahtawn loh vang a ni a ti a, thukhawmin thil tha tak tak sawiho thin ni mahse, kal darh hnuah a bawhzuina kawngah hmalak tum an awm lo thin a ni a ti.

mZP thiltuma Zohnahthlak hnam hrang hrangte inpumkhata, ram rorelna pakhat hnuaia awm tih chu a taka a thlenna tur chuan Zofa unaute remna chibai inbuka, duhsakna leh hmangaihna nena hma lak ho a pawimawh thu leh chumi tur chuan Manipura Zohnahthlak te pawh a sawm thu a sawi a ni.

Byte of MZP President

He hunah hian Mizoram atangin MZP headquarters hrang hrang hruaitute an tel bawk a ni.

<><><>

I&PR MINISTER

I&PR Minister Pu B.Lalchhanzova hoin vawiin khan chuan Kolkata Mizoram House, Salt Lake-ah UNDP hnuaia Green Climate Fund Mizoramin a hman tangkai ve theih dan tur chungchang sawiho a ni.

He sawihonaah hian Ministry of Finance a Principal Economic Adviser hlui Climate Scientist Dr. Dipak Das Gupta leh Pu Joy Chakravarty te an tel a. Dr. Dipak Das Gupta chuan India hmarchhakah sik leh sa inthlak chuan nghawng a neih len thu sawiin hemi kawnga hma la tura Mizoram sawrkarin bul a tan chu lawmawm a tih thu sawi a. Thingtlang loneih hlawk tawh lo chungchang te, sik leh sa inthlak avanga eizawna danglam mek te, sawhthing chin eizawna te leh Mizoram state chungchang thil hrang hrang an sawi ho bawk a ni.

Minister chuan kumin August ni 3 khan hemi chungchang hi Aizawl-ah sawiho a nih tawh thu leh kumin August ni 1 khan Bhubaneswar-ah Green Climate Fund (GCF) Regional workshop a a tel thu a sawi a. Nakum January thla-ah regional workshop for North East chu Mizorama neih a nih theih nan MoEFF leh UNDP lam te nen an in dawr mek zel tih a sawi bawk a ni.

Inkawmhonaah hian Climate Finance hnuaia Mizoram tana hmalak theihna kawng te chak zawk dap chhoh dan tur zawn a tul zia sawi a ni a. Hemi ti chak tur hian Mizoram sawrkara department hrang hrang te bakah Financial Institution, zirna in leh khawtlang te tanrual a tul thu Dr. Dasgupta hian a sawi bawk a ni.

Climate Finance chungchangah hian Mizoram Chief Minister in I&PR Minister Pu B. Lalchhanzova chu hma la tura a ruat angin hma lak chhoh mek a ni a. EF&CC Minister Pu Lalthansanga leh RD&PR Minister Prof Lalnilawma te nen Climate Finance hi an buaipui mek a ni.

vGST

Union Finance Minister Nirmala Sitharaman chuan GST siam that chuan ram sum leh pai dinhmun a tih that dawn thu a sawi. Nimin a New Delhi a Joint press conferece ah Informtion and Broadcasting Minister Ashwini Vaishnaw leh Commerce and Industry Minister Piyush Goyal thu an sawi a ni.

Finance Minister chuan rate siam thar chuan ham that na hrang hrang te a thlen dawn thu sawiin, Infotmation & Broadcasting Minister pawhin kumin a

electronics a inhralhna chu zaa 25 a a pun thu a sawi bawk. he hun a thusawi tute chuan GST rate thar chuan mipui te ah hlawkna a thlen nasat thu leh ram in hma a sawn an beisei thu an sawi a ni.

<><><>

PM

Prime Minister Narendra Modi ‘n thla hmasa ni 22 a GST dan thar a tihchhuah chuan mipui te ah hlawkna a thlen mek zel a ti.

GST rate thar chuan Andra Pradesh a loneia eizawngte, kut hnathawk tute leh thil siamchhuak leh thawncchhuak tute tan hmasawnna a thlen nasa hle a, kawng hrang hrang a chhiah lak tih tlem chuan ram mipui te ah ohurna pe in, thil lei leh hralh kawng ah nas tak in a pui a ni. He dan thar hnuai ah hian mahni kutkawih a eizawng te leh industry ten au te tan pawh hlawkna then zel in, tualchhung thil siamchhuah leh hralh kawng ah pawh man man zawk in an lei thei dawn a, hralh leh lei a tih pun beisei a ni. Tuipui a eizawng te tan pawh kawng inhawng zel tuipui kama awm te tan pawh eizawnna tyur kawng hrang hrang a a inhawn beisei a ni.

<><><>